

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊第七十一輯

沈雲龍主編

萬年少(壽祺)先生年譜

羅振玉輯

文海出版社
有限公司印行

Wt 215/240

予生長淮安乃彭城萬年少先生寄迹之地也少讀顧亭林處士贈先生詩什每慨慕其爲人嘗訪先生遯居之處曰隰西曰南村者杳不可得第於荒蕪野潦間想象遺址而已光緒乙未先府君佐郡彭城郵寄臨川桂氏新刊徐州二遺民集因得讀先生遺文而苦多刪節後數年始得秦郵所刊足本稍稍悉先生之平生欲編輯先生年譜而江南通志及淮安清河兩志所載先生傳頗苟略考先生卒年不可得以是中輟去年冬旣撰徐俟齋先生年譜偶翻閱白奩山人及周櫟園集始考知先生卒年在順治九年壬辰往昔所疑一朝冰釋

爲之狂喜乃重加輯錄以償夙志事實多根據本集而益以當時諸家記述復於吳中章式之比部許見先生手寫詩卷大半不見集中又予舊藏先生手迹沈孝子寫經葬親啓魯通甫孝廉一同所撰白奪山人年譜載先生爲閩古古寫孝經跋亦集中所無知全集所遺尙復不少又搜葺諸家集中與先生投贈及追弔之作爲年譜一卷附錄一卷全集補遺一卷於是先生事實略備矣而不可知者則闕之行篋無徐州府志假之友人久不得答書不知能據志以補予之所遺否爰先付手民待之異日再爲增訂嗚呼先生一明季孝廉耳非有

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



一民尺土之寄而懷抱忠憤起兵草澤天命已移身遭
囚係顛沛隱遯垂死而志不衰千載以後尙論之士有
餘慕焉卽其餘藝流傳亦足千古每披覽手蹟芳懿孤
迥如見其人輒自恨生晚不及執鞭予與先生遭遇先
後同揆而才謝古人勢殊往昔八年浮海寸衷莫白文
章餘事亦復無成以視先生撫躬增赧此譜之作非敢
云尙友古人亦聊寄其景行之私云爾歲在己未二月
二十七日後學上虞羅振玉書於海東之西代寓居

萬年少先生年譜

上虞 羅 振玉 輯

明萬曆三十一年癸丑 先生生

先生名壽祺字介若一字若

見先生文的與顧云美自作塔影圖記周亮工

印人傳後年少以一字字字若

一字內景一字年少原籍江西南昌

曾祖以醫自湖廣游徐州遂家焉祖某字懷谿贈文林郎福建道監察御史祖母夏孺人父崇德字惺新萬曆三十二年甲辰楊守勤榜進士授浙江臨海縣知縣入試雲南道監察御史巡視北城出按河東鹽法以母老乞養拜疏不待報即行四十八年庚寅光

宗熹宗相次卽位入直禁中備非常遼東告急欽差
提督遼餉轉福建道監察御史魏忠賢用事託疾去

出爲山東按察副使母項孺人

墓在徐州城南
十里太山之陽

三十二年甲辰 二歲

三十三年乙巳 三歲

三十四年丙午 四歲

三十五年丁未 五歲

三十六年戊申 六歲

三十七年己酉 七歲

三十八年庚戌 八歲

三十九年辛亥 九歲

四十年壬子 十歲

四十一年癸丑 十一歲

四十二年甲寅 十二歲

四十三年乙卯 十三歲

四十四年丙辰 十四歲

四十五年丁巳 十五歲

先生入學後歷更諸師曰曹曰朱曰劉曰陳曰胡曰
許至是年誦二十餘萬言

四十六年戊午 十六歲

四十七年己未 十七歲

泰昌元年庚申 十八歲

天啓元年辛酉 十九歲

入學爲諸生按察命先生從王紫芝先生受學紫芝
名立穀字伯無按察門人也萬厯丙午浙江舉人授
江西新淦縣知縣善內外止觀之學以目失明遂棄
官學道三年目復明後爲沙門以終先生從之游於
六經旨要外兼受天人之學澹泊明志不慕榮利以
求至道

二年壬戌 二十歲

三年癸亥 二十一歲

山東盜起避難淮安先生同學黃公家瑞亦攜家避

地與先生同舍止宿

黃公字積卿亦字積臻號如千
滕縣人仕至淮揚巡撫乙酉罷

官寄居雲間與沈公猶龍陳公子龍等起義
師於泖湖兵敗死之見滕縣志及自靖錄

四年甲子 二十二歲

五年乙丑 二十三歲

長女生

六年丙寅 二十四歲

七年丁卯 二十五歲

崇禎元年戊辰 二十六歲

以卽位恩貢郡國士先生與焉入試於廷以百姓足
君孰與不足爲問此爲先生受知遇之始夏徐勿齋
沂張受先采置酒天壇先生與楊維斗廷樞沈伯敘
明掄袁公白徵李存我侍問秦宏甫鏞張天如溥閻
古古爾梅皆集主客皆南方之彥極一時文章交游

之盛

見閻爾梅天壇集飲詩序

二年己巳 二十七歲

三年庚午 二十八歲

南京鄉試中楊廷樞榜第五十九名舉人考官爲江
右姜公曰廣得人最盛若楊維斗廷麟張天如溥錢

與立位坤鄭士敬敷教陳臥子子龍盛子裁王贊沈
巨山壽嶽吳梅村偉業等並以文采風誼名當世僉
以爲極人物之選有明二百餘年所未有也

與同年楊維斗陳臥子吳梅村等會宴於秦淮舟中

沈眉生壽民治先壽國兄弟及黃太沖宗羲三人則

以下第人亦與會先生賦秣陵舟讌詩以記其事見黃

梨洲思舊錄

四年辛未 二十九歲

五年壬申 三十歲

游沙室

六年癸酉 三十一歲

先生在京師日與陳臥子黃如千相往還

見陳忠裕公自訂年

譜 姑刻詩集於京師

七年甲戌 三十二歲

先生自吳中返里門秋就宅東舊屋葺治爲五室壘石於庭名之曰青泥院爲文記之以讀書養志於其中

是年春黃如千射策稱旨以進士就官縣令先生爲作文稿序

八年乙亥 三十三歲

項孺人卒先生廬居壻李生樸人卒作祭文以哀之
是年集十年所積之文爲二兩齋文選並爲之序

九年丙子 三十四歲

先生與同志開文社於南京數爲大會與會者沈眉

生壽民冒辟疆襄劉伯宗城陳則梁梁張公亮明弼

呂霖生兆龍劉魚仲履丁張芑山自烈顧子方果侯

雍瞻歧曾方密之以智孫克咸臨沈崑銅士杜麻孟

璇三衡梅惠連之煥劉湘客湘周勒自立勳李舒章

雯顧偉南開雍徐闇公孚遠宋子建存標陳百史名

夏陸子元慶曾等見冒巢民吳樓復與同郡李孝乾

向陽王先仲尚文雷汝遊□□曹澹如志明馬空同

伯奇畢一士廷諤及門人王子克允升爲文社月三

聚以九爲的四時仲九日文七篇餘日文三篇又令

門人杜仁夫先榮杜子愚先發王子穆允懷畢山令

庚黃子道如春萬子臣孝張爲小聚隨文多少先生

作文的以立德立言相敦勉里中文社不知開於何

門歸語知在甲戌後乙亥歲先生丁艱丁丑則往吳

中疑當在此年又里社諸人多不可考李曹最知名

李字晴寰明天啓甲子舉人崇禎末官金山衛教授

國變閉戶著書不應徵辟與先生以氣節文章相砥

礪當乙丑計偕魏闥慕其名以大魁啖之公峻拒不

入闈而返闈怒遣緹騎追之亡匿金山寺闈敗始復

出事見家傳曹澹如事迹見下庚辰年馬空同諸生

好讀書交游長者尚孝弟見先生所撰劉氏墓表又

王子克年二十五而卒先生有祭文又爲閔
隕篇以悼之始在及門中尤才秀而早卒者

十年丁丑 三十五歲

卜居吳門同年友鄭士敬之子仙弢

蘇志無傳其名無考

以解

試冠諸博士弟子先生爲作試藝序秋八月十六日

流賊十萬自宿州入徐二十六日自睢靈至者又不

下十萬幕府徐公邀斬甚衆獲俘僞王子等賊由山

外奔西南不敢入境先生作東徐治賊頌復作請申

詳徐公治績啓

兩文均不載徐公名考崇禎中
淮徐兵備道有徐標始卽其人

閻古古孝廉遭父喪卜葬微山廬於墓先生謂孝廉

先人墓舍與齊劉璫孝廬近所謂鸚鵡三年去之者

今再見矣因書瓊廬二字以遺之見白奪山人年譜陳臥子

先生是歲亦遭母喪先生命儻以書唁之見陳忠裕公集中謝

先生手簡

十一年戊寅 三十六歲

卜築淮陰之西湖見先生門人劉相撰隰西草堂集序案阮葵生茶餘客話載先生溪

東書屋在河下李元賡山陽河下園亭記載先生初卜居菜市橋西山子湖濱名隰西草堂此所謂西湖

殆即菜市橋西山子湖亦即所謂溪東書屋惟園亭記誤以溪東書屋為隰西草堂耳隰西之築在戊子

後此且十年其地在浦西非河下也附正於此

十二年己卯 三十七歲

在淮安劉湘序言戊寅己卯間卜築淮陰故知是年仍在淮安秋至南京八月

九日與姜如須垓錢開少邦芭程穆倩邃夜讌聯句

先生作建業聯句詩序

案先生與穆倩先生往還至密穆倩從戴山講學非僅以

藝事顯者曹秋岳作長歌贈之頗言其海桑之痛而事實不可知予意亦必與於義師之役者先生諸友中若鄔處士繼思胡處士介均必與義師事惜其事實不可知矣程胡名頗顯若鄔處士則僅見名姓于先生集及亭林先生贈詩而已嗚呼當有明末季士之抱介節而行義不傳於當時者多矣安得一一鉤稽而表章之乎

十三年庚辰 三十八歲

流寇陷徐州先生友曹澹如志明罵賊死之

澹如選貢生事

見自靖錄

十四年辛巳 三十九歲

寓吳中有九日平江詩

十五年壬午 四十歲

冬返里門書籍散佚新舊本皆亡失

十六年癸未 四十一歲

寓居京口集庚辛以來避亂奔走四方與同志唱和之作得樂府五七言古詩五七言律詩七言絕句凡六十九首爲內景堂詩序而刊之未幾復移寓雲間

先生有將自京口移寓雲間留別鄒大詩不自注何年考其行蹤當在是歲尚俟再考

十七年甲申 四十二歲

移家吳郡三月京師陷賦甲申詩二章以志哀五月

南都建賦五月詩以志喜秋有渡清河詩又有大雪

前二日與汪大嘉光包輔挑燈永夜詩

是歲爲我朝順治元年

順治二年乙酉四十三歲

是歲爲南都弘光元年先生在吳郡五月南都破江

以南郡縣皆不守先生友沈公自炳錢公邦芑戴公

之儁起兵陳湖沈公猶龍陳公子龍黃公家瑞起兵

於泖吳公易起兵笠澤皆與先生會師八月兵潰沈

黃諸公死之自靖錄沈自炳字君晦貢生中書乙酉起陳湖率舟師圍城不克結營水鄉八

月營破赴水死小腆紀傳錢邦芑字開少丹徒諸生隆武中上書言事官御史永歷間以原官巡按四

川永歷入緬後爲僧號大錯陳忠裕公年譜注戴
之雋字務公長洲諸生乙酉同起兵兵敗降松江提
督吳勝北順治四年陰勸勝北歸明約島帥黃斌卿
助師事泄勝北與之雋等十餘人同被殺自靖錄
沈猶龍字雲升萬歷丙辰進士官至兵部侍郎乙酉
募兵守松江城破中箭陣亡於東門濠上陳臥子
起兵事詳陳忠裕公年譜黃如千事實見前自靖
錄吳易字日生號惕齋崇禎癸未進士甲申三月京
師陷五月南都立憤不爲先帝討賊乃起鄉兵得水
師千餘人兵敗父承緒妻沈女吳全家赴水死易僅
以身免收集散亡與浙東爲聲援丙戌六月浙東潰
易亡匿嘉興錢氏園仇家執送浙江不屈死于武林
之草橋門年三十五案錢開少先生與義師事諸
野史並不載據先生自志六圖所記始知之而黃如
千先生之殉乙酉滕縣志及自靖錄並云投水死先
生答門師書言黃如千病故於雲間己丑詩序言黃
殉國難卒於泖湖又似病卒者殆兵解至慘先生不
忍斥言之歟又先生與義師事亦僅見於先生自述
一見於自志六圖再見於隰西草堂詩末首云往事
悲潯泖餘生寄楚州三見於偶成詩云此日口吟淮

里曲去年面縛潯湖渦是其明證顧亭林先生贈詩
僅記被執得釋事實隱約不明山陽魯通甫先生撰
清河志載先生於寓賢乃不及起兵事近刊徐州二
遺民集又刪去隰西草堂詩末章無識殊甚故附論
之先生被執不屈將及難有陰救之者囚繫兩月餘

得脫遂還江北寓居淮安

鬼鷗詩序言丙戌二月江
南長老以書至云云是此

詩作於二月間詩中有我歸楚州已三月句是先生
至淮安在十一月或十月末與自志所言囚繫兩月

餘語是年有元日雨雪詩二月十一日夜集錢氏廬

詩集中有冬日返里省墓詩當亦在是年又案先生
甲乙二年雖寓吳中然恆往來於京口與南都集

中有春過京口錢大邦芭詩首句云三年不見思徘徊先生以癸未寓京口故云三年是此詩亦作於乙

酉乃往來京口之證又有由京口旅寓再入南都久
之思還詩殆亦作於乙酉五月以前云再入則甲申

五月以後曾一至南都乙酉再至也此往來南都之
證詩中有麋鹿自安平野性鳳皇空作高岡鳴之句

是當
故窗

下後
亦非

三年丙

先生

一日

餘者

力兩

賣書

慧毒

杞獨

見閩古古馬
進士墓誌

是歲有正月一日詩寒食詩重午和吳大詩中秋詩
鬼鴟詩

四年丁亥 四十五歲

是年秋積潦爲害郭外皆沒作家藏楷法跋宋儋帖
跋有中秋詩

五年戊子 四十六歲

游廣陵以五千錢得五字損本蘭亭序乃甲申國變
後自宮臧手流出者先生重其爲內府法物屬雲間
包生重裝自爲之跋仲冬徙宅於浦西去城三十五

里西近洪澤南曰徐湖北則河淮合流東入於海四區皆隰築其原爲隰西草堂賦詩以志之

六年己丑 四十七歲

孟春暫返里門二十七日由隰西啓行二十九日過下邳拜明義士王贊明之墓於相山以詩弔之仲春十有二日辛丑主劉下沛家作郭烈女碑爲闡古古書孝經入沛宮登歌風臺有再入沛宮詩登歌風臺詩孟夏五日至夏鎮二十有六日至滕縣西鄉之皦溝泉故淮撫黃公家瑞家在焉往恤其孤仲夏二十有三日抵里門季夏十日至蕭縣西鄉十有一日抵

碭縣賣田二十有四日病風痺孟秋三日還里病不能興仲秋二日始扶杖而起八日買舟東下十日還草堂此行得詩五十九首名之曰己丑詩爲之序季秋十有八日劉下邳遇害爲詩哀之此詩不見集中又劉下邳名字待是年買圃於草堂之陽取靖節詩語名之曰南村引泉樹蔬之處曰平疇疇北折有廊曰韻步上有館曰遠游其側有榭曰春陰作南村記

七年庚辰 四十八歲

姑熟唐祖命舍人允甲自家來訪留草堂者二月流連倡和得詩十七章手書以贈舍人吳中何定巖道

明亦來訪爲作定巖贊是歲有孟春一日詩二月二十日冒雨同何定巖徐青山由普賢社入西寺詩

八年辛卯 四十九歲

春至姑熟爲唐髯孫念祖圖其祖君平先生象並爲之贊是歲崑山顧寧人處士炎武過淮上至草堂賦詩以贈

九年壬辰 五十歲

春至吳郡游顧處士苓塔影園作游記

顧云美先生自撰塔影園

記云彭城萬若來又爲予製雲陽草堂記今集中但有游塔影園記無雲陽草堂記作沈古乘

寫經葬親啓返隰西後作畫寄徐孝廉枋並乞孝廉

作隰西草堂圖未幾卒

見居易堂集懷舊篇自注案先生卒年初不可知陳鼎留

溪外傳言卒年六十餘其言絕不可信周亮工印人傳言頌繫生還過隰西草堂訪之則久歸道山考櫟園頌繫在順治十二年乙未獄解在十八年辛丑使先生果六十餘卒則辛丑年五十九也而櫟園言久歸道山則外傳之誣可知又賴古堂集有陳階六招同孫惟一張虞山杜湘草集恭恕堂卽席得頻字詩有燈影含豪憶故人句自注同王雪蕉萬年少賦詩此堂二十年矣據印人傳此詩作於戊申上推二十年爲順治六年丁酉先生時年四十八雖不能由此斷定卒年然先生卒於四十八歲以後五十九歲則可知也又閻爾梅題先生書冊言萬子捐館之年卽余畫明夷之年也考古古先生平生蒙難者二一在順治九年壬辰八月一在康熙二年癸卯據櫟園言順治十八年辛丑先生已久歸道山則先生之卒在壬辰年五十斷可知矣更俟博考

先生箸書有隰西禁方

有序見集中書不傳

隰西草堂集

先生自刻

內景堂詩集卒後門人呂青履編隰西草堂詩一卷
康熙中丑劉湘序之道光間刻隰西草堂詩集五卷
文集三卷遊渚倡和集一卷署邑後學孫運錦輯湘
鄉左茂桂左茂樹編刊每卷後有高郵夏崑林王敬
之校款始刻於高郵者先生集本此為最足光緒間
桂太守中行守徐時刊徐州二遺民集改詩五卷為
二卷文三卷為一卷刪詩一百七十一篇文十一篇
遺民之作隻字皆關史事不可刪也不知當日校刊
諸人何不學至此蓋刊行之功不能免其
妄刪之過矣異日當取秦郵本重刊之

子睿字渠客

渠客之字據留溪外傳外傳多不可信然予外王父范詠春先生淮壩小記亦

載睿字渠客當別有據渠客事實無考見然先生絕
句有父子堅孤節春風夜飯牛云云則能承先生之
志可知孫曾以下益無可考又先生葬地不可知魯
一同撰傳言葬南村或云歸葬是久不可稽先生考
妣墓在徐州南十里

異日當就徐人考之

猶子穆字遐客

事實亦無考

先生於詩文書畫外凡琴棋劍器醫藥刻印鑒賞下

及刺繡女紅之事無不通曉所爲印說謂印法根於
書法書法亡而印法亦亡痛詆世俗所謂章法刀法
及文字杜撰補綴增減之弊一洗前人之陋周櫟園
謂其類視文何非虛譽也

范石夫朋舊尺牘識語萬年少兄詩文字畫箸筆便
雋其易經制舉藝尤當精於譚理不落蹊徑是先生
又工於經藝而尤精於易義也

先生庚午舉於鄉名噪一時好狹斜游又甚工寫麗
人坐上妓以此索之輒爲吮豪諸妓之有聲者皆暱
就之風流豪邁傾動一時同輩謝弗及也滄桑後罷